

Aalisarnek pillugu Inatsisartut inatsisissaattut nr. xx, xx. xxx 2018-imeersumut siunnersuut**Kapitali 1***Atuuffia*

§ 1. Inatsisartut inatsisaat una makkununga tunngatillugu atorpeqassaaq:

- 1) Kalaallit Nunaata aalisarnikkut oqartussaaffigisaani inuussutissarsiutigalugu inuussutissarsiutigingulu aalisarnek,
- 2) Kalaallit Nunaata aalisarnikkut oqartussaaffigisaani kalaallit nunani nunanilu allamiut angallataasa tulaassuinerat usinillu nuussisarnerat, aamma
- 3) Kalaallit Nunaata aalisarnikkut oqartussaaffigisaata avataani kalaallit inuussutissarsiutigalugu aalisarnerat kalaallillu angallataasa tulaassuinerat usinillu nuussisarnerat.

§ 2. Inatsisartut inatsisaannik uannga aqutsinermi pingaartinneqassapput:

- 1) Isumalluutit piginnarnissaat amerliartorteqqinneqarnissaallu aalisarnerullu pinngortitap ataqatigiinneranut sunniutaasa akuerineqarsinnaasumiitinneqarnissaat,
- 2) Pisarineqarsinnaasut aalisarnermilu pisaqarsinnaassutsip akornanni pissutsit, aamma
- 3) Inuiaqatigiit, aalisarnermik inuussutissarsiutillit, aalisakkerinermi suliffissuit inuussutissarsiutinullu takkununga atasut allat aningaasaqarnerat inuuniarnikkullu atugarisaat.

Nassuiaatit

§ 3. Inatsisartut inatsisaanni uku imatut paasineqassapput:

- 1) "aalisarnek", aalisakkanik sumiissusersiueq, aalisarnermi atortunik ningitsineq, inissiineq, kalinneq amoornerlu, pisanik angallammut qaqitsineq, nuussineq, aalisakkanik ungalunut inissiineq, aalisakkanik aalisakkanillu tunisassianik puallarsiineq tulaassisarnerlu.
- 2) "Inuussutissarsiutigalugu aalisarnek" pisat tamarmiusut taakkualunniit ilaasa tunineqarnissaat siunertaralugu aalisarnek.
- 3) "inuussutissarsiutigingulu aalisarnek", pisat tamarmiusut nammineq atornissaat siunertaralugu aalisarnek.
- 4) "Kalaallit Nunaata aalisarnikkut oqartussaaffia", Kalaallit Nunaata aningaasaqarnermi immikkut oqartussaaffia pillugu inatsisip atuutilersinneqarnissaa pillugu aalajangersagaq naapertorlugu nalunaarummi nr. 1020, 20 oktobari 2004-imeersumi nassuiaaserneqartumi aalisarfik.
- 5) "sinerissap qanittuani aalisarnek", sinerissap aamma Kalaallit Nunaata aalisarnikkut oqartussaaffigisaani tunngaviumik killeqarfiup avataani 3 s̆milip avataani aalisarnek.
- 6) "avataasiorluni aalisarnek", Kalaallit Nunaata aalisarnikkut oqartussaaffigisaata avataani tunngaviumik killeqarfiup avataaniittumi 3 s̆milip avataani aalisarnek.

- 7) "assigiimmik inuussutissarsiutillit", inuussutissarsiutitut pingaarnertut inuussutissarsiutigalugu aalisarnermik, saniatigooralugu inuussutissarsiutigalugu aalisarnermik imaluunniit inuussutissarsiutigiginagu aalisarnermik ingerlatsinersut naapertorlugit inuttut ataatsimoortutut erseqqinnerusumik killilerneqarsimasut.
- 8) "pisarinqarsinnaasutut akuerisat tamarmiusut", aalisakkanik aalajangersimasunik ukiumoortumik pisarinqarsinnaasutut akuerisat.
- 9) "pisassiissutit", pisarinqarsinnaasutut tamarmiusutut akuerisat ilaat aalisariutit immikkoortuinut pisassiissutigineqartut.
- 10) "pisassiissutinit pigisat", pisassiissutit pisassat procentinngorlugit ilaattut aalisartup pigisai.
- 11) "ukiumoortumik pisassiissutit", ukiumi aalajangersimasumi pisassiissutinit aalisartup tonsinngorlugit annerpaamik pisarisinnaasai.
- 12) "pisassiissutinit pigisat annertussusaat", aalisartup pisassiissutinit pigisai tonsinngortillugit naatsorsorlugit.
- 13) "akuersissut", aalisakkanik aalajangersimasunik aalisarsinnaanermut akuersissut.
- 14) "angallat", immakkut nunakkullu assartuutitut suugaluartorluunniit aalisarnermut atatillugu atorpeqartoq.
- 15) "aalisariutit immikkoortuat", aalisariutit immikkoortuat erseqqinnerusumik killilerneqarsimasoq.
- 16) "usunik nuussineq", pisanik taakkunangaluunniit tunisassianik suugaluartunilluunniit angallammut allamut nuussineq.
- 17) "tunisassiareqqiineq", suliaqarneq inaarutaasumik tunisassiamik pilersitsisoq.
- 18) "kalaallit aalisariutaat", angallatit suulluunniit Kalaallit Nunaanni angerlarsimaffeqartutut nalunaarsorneqarsimasut §7-imilu piumasaqaatinik eqqortitsisut.
- 19) "aalisariutit nunanit allaneersut", angallatit suulluunniit Kalaallit Nunaanni angerlarsimaffeqartutut nalunaarsorneqarsimanngitsut.
- 20) "tulaassineq", pisanik tunisassianilluunniit suugaluartunik angallammiit nunamut nuussineq.
- 21) "pisat", imaani uumasut tamarmik, soorlu miluumasut imarmiut, timmissat imarmiut, korallit pupiillu aalisarnermi isumannaarneqarsimasut.

Oqartussanut aalajangersakkat

§ 4. Inatsisartut inatsisaanni matumani aalajangersakkat malinneqarnersut Naalakkersuisut nakkutigissavaat.

Imm. 2. Naalakkersuisut inatsimmi akisussaaffiit tamakkerlugit ilaalluunniit kommunalbestyrelsinut akisussaaffinngortinissaat pillugit malittarisassiorsinnaapput

§ 5. Kalaallit Nunaanni Aalisarnermut Akuersissutinillu Nakkutilliisoqarfiup nakkutigalugulu misissortassavaa kapitali 14-imi aalajangersakkat malinneqarnersut.

Imm. 2. Kalaallit Nunaanni Aalisarsinnaanermut Akuersissutinik Nakkutilliisoqarfiup saniatigut nakkutilliisussanik allanik Naalakkersuisut toqqaasinnaapput.

Kapitali 2

Aalisarnissamut tunngaviusumik piumasaqaatit

Kalaallit aalisariutaat atorlugit Kalaallit Nunaata aalisarnikkut oqartussaaffigisaani inuussutissarsiutigalugu aalisarneq

§ 6. Kalaallit Nunaata aalisarnikkut oqartussaaffigisaani inuussutissarsiutigalugu aalisarneq taamaallaat angallatinit pigineqarnertik naapertorlugu Kalaallit Nunaanni angerlarsimaffeqartunit ingerlanneqarsinnaavoq, tak. § 7.

Imm. 2. Kalaallit aalisariutaat Søfartsstyrelsip angallatit pillugit nalunaarsuiffiani imaluunniit umiarsuit pillugit nalunaarsuiffiani nalunaarsorneqarsimasut kisimik inuussutissarsiutigalugu aalisarsinnaatitaapput. Angallatit nunap qaaniittut oqaaseqatigiinnut siullernut ilaatinneqanngillat, tak. imm. 5.

Imm. 3. § 10-mi malittarisassat malillugit nunat allamiut aalisariutaat atorlugit Kalaallit Nunaata aalisarnikkut oqartussaaffigisaani inuussutissarsiutigalugu aamma aalisartoqarsinnaavoq.

Imm. 4. Ingerlataqartut sukkulluunniit uppersarsinnaassavaat imm. 1-3-imi piumasaqaatit naammassisimallugit.

Imm. 5. Angallatip nunap qaaniittup nalunaarsorneqarnissaa pillugu Naalakkersuisut malittarisassanik aalajangersaassapput.

§ 7. Angallat Kalaallit Nunaanni angerlarsimaffeqarpoq ukunanga pigineqaruni:

- 1) inuk imm. 2-mi piumasaqaatinik naammassinnissimasoq,
- 2) Ingerlatseqatigiiffik imm. 3-mi piumasaqaatinik naammassinnissimasoq, imaluunniit
- 3) ingerlatseqatigiiffik pisortanit pigineqartoq imaluunniit Kalaallit Nunaanni peqatigiiffik, imaluunniit ingerlatseqatigiiffik peqatigiiffilluunniit Kalaallit Nunaanni Namminersorlutik Oqartussanit peqataaffigineqartoq.

Imm. 2. Angallat inummit ataatsimit pigineqaruni inuk taanna:

- 1) kalaallinut inuiaqatigiinnut aalajangersimasumik attuumassuteqassaaq,
- 2) inuit nalunaarsorsimaffianni Kalaallit Nunaanni najugaqartutut nalunaarsorsimassaaq qaammatinilu 24-ni qaangiuttuni sivilisunerumilluunniit inuit nalunaarsorsimaffianni Kalaallit Nunaanni najugaqartutut nalunaarsimassalluni, aamma
- 3) Kalaallit Nunaanni tamakkiisumik akileraartartussaataaassaaq aamma ukiuni marlunni qaangiuttuni sivilisunerumiluunniit Kalaallit Nunaanni tamakkiisumik akileraartartussaataasimassalluni.

Imm. 3. Angallat suliffeqarfimmit pigineqarpat piumasaqaatit uku naammassineqarsimassapput:

- 1) ingerlatseqatigiiffik aktiaateqarluni ingerlatseqatigiiffiussaaq, piginneqataassuteqarluni ingerlatseqatigiiffiussaaq, piginneqatigiiffiussaaq, soqutigisaqatigiiffiussaaq imaluunniit piginneqatigiilluni umiarsuaatileqatigiiffiussalluni,

2) ingerlatseqatigiiffiup aningaasaataasa 2/3-ii taasisinnaatitaanerit assigisaaluunniit aqputigalugit sunniuteqarsinnaasumik inunnit ataasiakkaanit imm. 2, nr. 1-3-ni piunasaqaatinik naammassinnissimasunit toqqaannartumik toqqaannangitsumilluunniit pigineqassapput, aamma

3) ingerlatseqatigiiffiup maleruaqqusai taamaallaat piginnittumut qularnaveeqqutittulluunniit ukununga tunniunneqarsinnaaneri pillugit aalajangersakkanik imaqassapput:

a) inuit ataasiakkaat imm. 2-mi piunasaqaatinik naammassinnissimasut,

b) ingerlatseqatigiiffiit imm. 3-mi piunasaqaatinik naammassinnissimasut, imaluunniit

c) Kalaallit Nunaanni ingerlatseqatigiiffiit pisortanit pigineqartut imaluunniit ingerlatseqatigiiffiit Namminersorlutik Oqartussanit peqataaffigineqartut.

Imm. 4. Raajarniarnermi ingerlatseqatigiiffiup aningaasaatai tamarmik imm. 3, nr. 2-mi piunasaqaatinik naammassiffigineqarsimassapput.

§ 8. Naalakkersuisut ukunani piunasaqaatit saneqqunneqarnissaat nalunaarutigisinnaavaat:

1) § 7, imm. 2, nr. 1-3, aamma imm. 3, nr. 2, kinguaariit paarlaanneranni.

2) § 7, imm. 2, nr. 2-3, aamma imm. 3, nr. 2, pineqartoq piffissani taaneqartuni ilinniagaqarnissaq assigisaaluunniit siunertaralugit Kalaallit Nunaata avataani najugaqarallarsimappat.

Imm. 2. Naalakkersuisut pissutsini immikkut ittuni inuussutissarsiuutigalugu aalisarnerup angallammit ingerlanneqarnissaa pillugu piunasaqaatit saneqqunneqarnissaannik akuersissuteqarallarsinnaapput, takuuk § 14, imm. 3, angallatip umiarnarata, sivisunerusumik siumullu naatsorsuutiginnisamik amutsivimmiinnerata imaluunniit pissutsit allat tamatumunnga assingusut pisariaqalersippassuk nammineq angallatigisaq atorlugu aalisartoqarsinnaajunnaanera. Piunasaqaatinik saneqqussinermi angallammik Kalaallit Nunaanni najugaqartutut nalunaarsorsimasumik attartortoqassaaq, tassa angallammik Kalaallit Nunaanni najugaqartutut nalunaarsorsimasumik attartornissap ajornanera uppersarneqarsinnaanngippat.

Imm. 3. Naalakkersuisut § 7, imm. 2-mi aamma § 7, imm. 3-mi piunasaqaatit saneqqunneqarnissaannik nalunaaruteqarallarsinnaapput, angallat imaluunniit pisassiissutinit pisassat akiitsoqarfigisamit tiguneqarsimappata, akiitsoqarfigisaq angallammut imaluunniit pisassiissutinit pisassanut qularnaveeqqusiisimappat.

Imm. 4. Naalakkersuisut immikkut akuersineq piffissamut killeqartissinnaavaat aamma piunasaqaatit erseqqinnerusumik allaaserineqartut apeqqutaatissinnaallugit.

§ 9. § 6, imm. 1 naapertorlugu inuussutissarsiorluni aalisarnermi angallatinik siusinnerusukkut Kaalaallit Nunaanni aalisariutitut nalunaarsorneqarsimanngitsunik pisinissamut akuersissuteqartoqartarnissaa pillugu Naalakkersuisut annertunerusunik malittarisassiorsinnaapput.

Imm. 2. Taamatuttaaq pisaqarsinnaassutsimik annertusisitsisumik angallatit allanngortiternerinut akuersissuteqaaqartoqartarnissaanik naalakkersuisut malittarisassalorsinnaapput.

Imm. 3. Imm. 1 aamma imm. 2 naapertorlugit akuersissutini piumasaqaatigineqarsinnaavoq angallat aalisakkanik aalajangersimasunik aalisarnermut atorpeqassasoq angallalluunniit aalajangersimasunik pisaqarsinnaassusilik aalisarunnaarsineqassasoq.

Angallatit nunanit allaneersut atorlugit Kalaallit Nunaata aalisarnikkut oqartussaaffigisaani inuussutissarsiutigalugu aalisarneq

§ 10. Angallatit nunanit allaneersut atorlugit Kalaallit Nunaata aalisarnikkut oqartussaaffigisaani inuussutissarsiutigalugu aalisarsinnaaneq akuerisaavoq, angallatit taakku nunat tamat isumaqatigiissutaat naapertorlugit imaluunniit Naalakkersuisut immikkut ittumik isumaqatigiissuteqarfigalugit § 16-imi piumasaqaatit eqqortillugit aalisarsinnaanermut akuersissummik pissarsisoqarsimappat.

Imm. 2. Imm. 1 naapertorlugu aalisarneq tungaviumik killigitamiit (basisliniamiit) 12 sømilit iluanni ingerlanneqarsinnaanngilaq. Taamaattoq Naalakkersuisut taamaaliornissamut akuersissuteqarsinnaapput Kalaallit Nunaanni nunami suliffissuarni tunisassiassanik pilersuinerup pissutsilluunniit immikkut ittut tamanna pisariaqartilersimappassuk.

Kalaallit Nunaata aalisarnikkut oqartussaaffigisaani inuussutissarsiutigalugu aalisarneq

§ 11. Kalaallit Nunaata aalisarnikkut oqartussaaffigisaani inuussutissarsiutigalugu aalisarneq siumut akuersissuteqaqqaarnani ukunannga ingerlanneqarsinnaavoq:

- 1) Danskít naalagaaffianni innuttaasut Kalaallit Nunaanni aalajangersimasunik najugallit.
- 2) Naalagaaffimmi innuttaasut, Danmarkiuunngitsumi, nunanit allaneersut Kalaallit Nunaanni aalajangersimasunik najugallit ukiunilu ikinnerpaamik marlunni ataannartumik najugaqarsimasut.

Imm. 2. Inuit imm. 1-imi ilaatinneqanngitsut inuussutissarsiutigalugu aalisarnissamut akuersissuteqarfigineqarsimasussaapput. .

Imm. 3. Naalakkersuisut imm. 2 malillugu aalisarnissamut akuersissummik tunniussisarneq, pissarsisarneq annaasaqartarnerlu pillugit malittarisassanik aalajangersaasinnaapput.

§ 12. Naalakkersuisut aalisakkanik aalajangersimasunik inuussutissarsiutigalugu aalisarnissamut akuersissuteqartarneq pillugu maleruagassanik aalajangersaasinnaapput.

Imm. 2. Imm. 1 malillugu malittarisassanik aalajangersaanermi Inatsisartut inatsisaanni matumani § 2 naapertorlugu siunertat pillugit aalajangersakkat pingaartinneqarput, tassunga ilanngullugu aalisakkanik isumalluutiniq naleqquttumik uumassuseqarnikkullu illersorneqarsinnaasumik iluaquteqarnerup immikkut eqqarsaatigineqarnissaa aamma takornariartitsisutut inuussutissarsiorterup tamatumalu inerisarneqarnissaata eqqarsaatigineqarnissaat.

Kapitali 3

*Inuussutissarsiutigalugu aalisarneq pillugu malittarisassaliorneq
Malittarisassatigut aaqqiinerit*

§ 13. Naalackersuisut inuussutissarsiutigalugu aalisarnej pillugu sukumiinerusunik malittarisassaliorinnaapput, taakkununga ilanngullugu malittarisassaliorinnaavaat:

- 1) Pisarineqarsinnaasut amerlassusaannik piffissanut sumiiffinnullu agguaassineq,
- 2) aalisakkanik aalajangersimasunik tamakkiisumik ilaannakortumilluunniit aalisarunnaarnej,
- 3) angallatinut ataatsimoortunut, angallatinut ataasiakkaanut imaluunniit aalisarnermi atortunut aalajangersimasunik pisassiissuteqarluni pisarineqarsinnaasunik agguaassineq,
- 4) pisarineqarsinnaasut amerlassusaasa atorneqarnissaat, tassunga ilanngullugu nerisassatut suliffissuaqarnermilu siunertanut atorneqarnissaat siunertaralugu agguaassineq,
- 5) piffissaq aalisarfiusinnaasoq sivisunerpaaq, tulaassinerit amerlassusii tulaassinermilu ataatsimi pisarineqarsinnaasut amerlassusaat,
- 6) pisarineqarsinnaasut akornanni saniatigut pisarisuugassat eqqarsaatigalugit immikkut ittumik pisassiissutit,
- 7) nunat tamalaat isumaqatigiissutaat pisussaaffiillu naapertorlugit angallatinik nunanit allaneersunik attartorneq,
- 8) Kalaallit Nunaata aalisarnikkut oqartussaaffigisaata avataani nunat tamalaat isumaqatigiissutaat pisussaaffiillu eqqarsaatigalugit aalisarnissamut kalaallit aalisariutaannik attartorneq,
- 9) nunanit sumiiffinniillu aalajangersimasunit nunat allamiut angallataannut nakkutilliisimanerit pissutissaqartippassuk immikkut ittumik killiliinerit inerteqquteqarnerillu, aamma
- 10) inatsisinik unioqputitsisumik, nalunaarusiornertaqanngitsumik maleruagassaqartinneqanngitsumillu aalisarnerup pitsaalioneqarnissaa, pinngitsoortinneqarnissaa unitsinneqarnissaalu.

Kapitali 4

Aalisarnissamut akuersissuteqarnej

Akuersissutit

§ 14. Angallat taamaallaat angallat atorlugu aalisarsinnaanermut akuersissummik tunineqarsimappat Kalaallit Nunaata aalisarnikkut oqartussaaffiani inuussutissarsiutigalugu aalisarnermut atorneqarsinnaavoq. Akuersissutini piunasaqaatinik aalajangersaasoqarsinnaavoq.

Imm. 2. Angallatip piginnittaa, angallatip ilisarnaataa kiisalu angallatip suunera akuersissummi allassimassapput.

Imm. 3. Akuersissut angallatip piginnittaanut tunniunneqassaaq. Akuersissummik piginnittoq kisimi angallat atorlugu aalisarsinnaatitaavoq.

Imm. 4. Akuersissut angallatinut akuersissummi allassimanngitsunut atorneqarsinnaanngilaq.

§ 15. Kalaallit Nunaata aalisarnikkut oqartussaaffiani aalisarsinnaanermut akuersissutit assigiinngitsut pingasut tunniunneqarsinnaapput:

- 1) Piffissamut killilikkamut akuersissutit, pisarineqarsinnaatitaasut annertunerpaaffissalerlugit.
- 2) Piffissamut killililigaanngitsunut akuersissutit, pisarineqarsinnaatitaasut annertunerpaaffissalerlugit.
- 3) Piffissamut killilikkamut akuersissutit, pisarineqarsinnaatitaasut annertunerpaaffissalernagit .

Imm. 2. Akuersissutit piffissamut killiligaanngitsut Inatsisartut inatsisaata akuerineqarneratigut sivikinnerpaamik ukiunik tallimanik siumut nalunaaruteqarluni piffissamut killiligaalerput.

§ 16. Inuussutissarsiutigalugu aalisarnermut akuersissummi allassimassapput:

- 1) aalisakkat suut akuersissut malillugu aalisarsinnaatitaanersut,
- 2) qanoq annertutigisut akuersissut malillugu aalisarsinnaatitaanersut,
- 3) piffissami sorlermi akuersissut atuutissanersoq,
- 4) angallat suna aalisarnermi atorpeqassanersoq,
- 5) sumiiffinni sorlerni aalisartoqassanersoq, aamma
- 6) aalisarnermi pineqartumi aalisarnissamut piumasaqaatit sukumiinerusut allat.

§ 17. Aalisariutit pisaqarsinnaassusaat pisarineqarsinnaasunut nalimmassarneqarnissaat siunertaralugu akuersissutit tunniunneqartarnerat attatiinnarneqartarnerallu piumasaqaatillu taakkununga atasut pillugit Naalakkersuisut malittarisassiorsinnaapput.

Imm. 2. Naalakkersuisut immikkoortoq 1 naapertorlugu sinerissap qanittuani aalisarneq pillugu malittarisassiorsinnaapput, assersuutigalugu akuersinermut piumasaqaataassasoq qinnuteqartut aalisarsinnaanermut akuersissummik siusinnerusukkut peqarsimassasut qinnuteqartullu aalisarsinnaanermut akuersissut ukiup siuliani atorsimassagaat.

Imm. 3. Naalakkersuisut imm. 1-imi 2-milu malittarisassanik aalajangersaanermikkut ingerlataqartut siusinnerusukkut inuussutissarsiutigalugu aalisarnissamut akuersissuteqarsimasut minissinnaavaat.

§ 18. Naalakkersuisut inatsimmut uunga naapertuuttumik aalisarnissamut akuersissummik tunniussinerminni sukumiinerusunik malittarisassiorsinnaapput pisat tamaasa ilaalluunniit Kalaallit Nunaanni tunisassiorfinnut tunineqarnissaannut tunngasumik.

§ 19. Naalakkersuisut aalisakkat ilaannik aalisarsinnaaneq aalisarnermilu piumasaqaatit pillugit malittarisassaliorsinnaapput.

Imm. 2. Aalisarnerup ingerlanneqarnissaanut piumasaqaatini piffissanut killiliilluni allannguinerit taamatullu aamma aalisarnerup qaqugu aallartinneqarsinnaanera untsinneqarnissaalu pillugit Naalakkersuisut nalunaaruteqarsinnaapput.

§ 20. Akuersissummi aalisarsinnaanermulluunniit akuersissummi piumasaqaatinik unioqputitsineq imaluunniit Inatsisartut inatsisaannik imaluunniit taassuma kinguneranik malittarisassianik unioqputitsineq akuersissutip aalisarsinnaanermulluunniit akuersissutip atorneqarsinnaaneranik killiliinermik kinguneqarsinnaavoq kiisalu annertuunik pisoqartillugu arlaleriarluniluunniit unioqputitsisoqartartillugu aalisarsinnaanermut akuersissut atorunnaarsinneqarsinnaalluni.

Imm. 2. Akiligassamik akiliinngitsoorneq, tak. § 21, akuersissummik aalisarsinnaanermulluunniit akuersissummik atuisinnaatitaanerup killiliiffigineqarneranik kinguneqarsinnaavoq kiisalu annertuunik pisoqartillugu arlaleriarluniluunniit akiliinngitsoortoqarnerani akuersissut atorunnaarsinneqarsinnaalluni.

Akiliutit

§ 21. Naalackersuisut sinerissap qanittuani avataasiorlunilu aalisarsinnaanernut akuersissutinik tunniussinermi akiliutinik akiliisitsinissaq pillugu sukumiinerusunik malittarisassiorsinnaapput.

Imm. 2. Naalackersuisut imm. 1 aamma 2 malillugit akiliutinik akiliisarnerup allaffissornikkut aqunneqarnera pillugu sukumiinerusunik malittarisassiorsinnaapput, taakkununga aamma ilanngullugu akiliinngitsoorsimasut akiitsuminnik, akiligassanik kingusinaartumik akiliinermi ernialiusat ilanngullugit, akiliitinnagit Inatsisartut aalisarneq pillugu inatsisaat naapertorlugu akuersissutinik aalisarsinnaanermulluunniit akuersissutinik nutaanik pissarsisinnaannginnerat pillugu aalajangersagaliorsinnaallutik.

Imm. 3. Akiliutinik Inatsisartut inatsisaat manna taannaluunniit naapertorlugu maligassat naapertorlugit aalajangersarneqartunik akiliisoqarsimatinnagu ullup akiliiffissap kingornatigut erniat naatsorsorneqartarnerat pillugu ernialersuisarneq pillugu inatsimmi aalajangersakkat malillugit ernialiisoqartassaaq. Ernialiusalli minnerpaamik 50 kr.-nik annertussuseqassapput.

Kapitali 5

Pisarineqarsinnaasut amerlassusissaannik aalajangersaasarneq agguaassisarnerlu

Pisarineqarsinnaasut akuerisaasut tamarmiusut

§ 22. Kalaallit Nunaata aalisarnikkut oqartussaaffigisaani aalisakkat aalisagaqatigiit ataasiakkaat pisarineqarsinnaasut ukiut tamaasa Naalackersuisut aalajangersartassavaat.

Imm. 2. Pisarineqarsinnaasut akuerisaasut tamarmiusut aalisagaqatigiinnut ataasiakkaanut tamanut tunngatillugu aamma ilaatinneqassapput aalisakkat Kalaallit Nunaata aalisarnikkut oqartussaaffigisaata avataaniittut nunat tamalaat akornanni isumaqatigiissutit aalajangersakkalluunniit malillugit Kalaallit Nunaata aalisarsinnaasaanut aamma tunngasut.

Imm. 3. Pisarineqarsinnaasut akuerisaasut tamarmiusut aqutsinissamat pilersaarutit akuerisaasut mianeralugit biologit siunnersuutaat malissavaat.

Imm. 4. Pisarineqarsinnaasut aalajangersarneqartut tamarmiusut pillugit nassuiaat Naalackersuisut qaammatisiutit malillugit ukiut tamaasa 1. februar nallertinnagu Inatsisartunut tunniuttassavaat.

Imm. 5. Naalackersuisut pisarineqarsinnaasutut akuerisaasunik tamarmiusunik qaammatisiutit malillugit ukiumi ataatsimi kingusinnerusukkut allannguippata, Naalackersuisut nassuiaat nutaaq Inatsisartunut tunniutissavaat.

Imm. 6. Pisarineqarsinnaasut akuerisaasut tamarmiusut Naalackersuisut nittartagaanni aalajangiinerup kinguninngua imaluunniit Naalackersuisut allannguinerisa kinguninngua tamanut saqqummiunneqartassapput.

Pisassiissutit ukiumoortumillu pisassiissutit

§ 23. Naalackersuisut aalisagaqatigiinnit ataasiakkaanit pisarineqarsinnaasutut akuerisaasunit tamarmiusunit pisassiissutinik ukiumoortumillu pisassiissutinik aalisariutit immikkoortuinut assigiinngitsunut nunat tamat akornanni isumaqatigiissutit mianeralugit agguaassisassapput.

Imm. 2. Pisassiissutit ukiumoortumillu pisassiissutit agguarneqarnerat pillugu nassuiaat Naalackersuisut qaammatisiutit naaportorlugit ukiuni ataasiakkaani februaarip aallaqqaataa nallertinnagu Inatsisartunut tunniuttassavaat.

Imm. 3. Pisarineqarsinnaasutut akuerisaasut tamarmiusut allanngorpata pisassiissutit ukiumoortumillu pisassiissutit agguarneqarnerat Naalackersuisut kingusinnerusukkut ukiumi tassani allanngortissinnaavaat.

Imm. 4. Naalackersuisut pisassiissutinik ukiumoortumillu pisassiissutinik qaammatisiutit malillugit ukiumi tassani kingusinnerusukkut allannguippata, Naalackersuisut nassuiaat nutaaq Inatsisartunut tunniutissavaat.

Imm. 5. Naalackersuisut pisassiissutit ukiumoortumillu pisassiissutit agguaanneqarnissaannut piumasaqaatit pillugit sukumiinerusunik malittarisassiorsinnaapput aamma tassunga ilanngullugit pisassiissutit ukiumoortumillu pisassiissutit pissarsiarineqarsinnaasut immikkoortiterneqarnissaat agguaanneqarnissaallu pillugit sukumiinerusumik malittarisassiorsinnaallutik:

- 1) piffissat,
- 2) sumiiffiit,
- 3) aalisarnermi atortut assigiinngitsut,
- 4) inuussutissarsiuteqartut immikkoortui, aamma
- 5) aalisariutit immikkoortui.

Imm. 6. Pisassiissutinik agguaassinerit ukiumullu pisassiissutit pillugit Naalackersuisut nittartagaanni aalajangiinerup kinguninngua imaluunniit Naalackersuisut allannguinerisa kinguninngua tamanut saqqummiunneqartassapput

§ 24. Naalackersuisut agguaasseqqinnissaq siunertaralugu ukiumut pisassiissutit tamaasa ilaalluunniit utertissinnaavaat akuersissutillip ukiumut pisassiissutit tamakkerlugit aalisarsinnaangippagit.

§ 25. Ataatsimut pisassiissutit ilaannik akuersissummut imaluunniit § 23, imm. 1 naaportorlugu agguaassinerup ilaanut ilaangippat Naalackersuisut:

- 1) pisassiissutinit pigisatut pisassat tamaasa taakkuluunniit ilaat tuniniarsinnaavaat,
- 2) pisassat ukiumut pisassiissutitut tamaasa taakkuluunniit ilaat tuniniarsinnaavaat,
- 3) pisassiissutit ukiumut pisassiissutitut tamaasa taakkuluunniit ilaat misileraalluni aalisarnermut taarsiissutitut allamut tunniussinnaavaat, imaluunniit
- 4) pisassiissutit ilaat tamaasaluunniit EU-mut nunanullu allanut isumaqatigiissutit naapertorlugit taakkununga isumaqatigiissutigisat tamaasa taakkuluunniit ilaat neqeroorutigisinnaavaat.

§ 26. Kalaallit Nunaata kitaani raajartassat § 23, imm. 1-imi aalajangersagaq apeqputaatinnagu sinerissap qanittuani aalisartunut 50 procentimik avataasiorlutillu aalisartunut 50 procentimik agguanneqartassapput.

§ 27. Pisassiissutinit pigisat aamma ukiumut pisassissutit aalisariummut ataatsimut tunngatinneqartut aalisariutinit allanit aalisarneqarsinnaanngillat.

Imm. 2. Naalakkersuisut immikkut illuinnartumik pisoqartillugu imm. 1-imi aalajangersakkat saneqqunneqarnissaannut akuersissuteqarsinnaapput, tassa nunami suliffissuarnut tunisassiassanik pilersuinerup piffissami sivisuumi unittoqqannginnissaata qulakkeerneqarnissaa pisariaqassappat.

Aalisarnerup unitsinnera

§ 28. Aalisarnerq ingerlaannaq unitsinneqassaaq:

- 1) Aalisarnermik ingerlatsisut ataasiakkaat pisassiissutinit pigisat, pisassiissutinit pigisat annertussusaat ukiumoortumilluunniit pisassiissutit tamakkerlugit pisarippatigit.
- 2) Kalaallit Nunaanni pisarineqarsinnaasut akuerisaasut tamarmiusut tamakkerlugit pisarineqarpata.

Imm. 2. Aalisarnermik ingerlatsisut pisassiissutinit pigisaminnik ukiumit ukiup tullianut nuussisinnaanerit imaluunniit ukiup tulliani pisassiissutinik ukiumi pineqartumi aalisarlutik aalisarsinnaanerit pillugit Naalakkersuisut sukumiinerusunik malittarisassiorsinnaapput.

Kapitali 6

Pisassiissutit nammineq pigisat nioqputigineqarsinnaasullu

Pisassiissutinit pigisat

§ 29. Pisassiissutit pisassiissutitut pigisatut pisassat agguagassanngorlugit Naalakkersuisut agguassinissamat sukumiinerusunik malittarisassiorsinnaapput aamma matumani ilaallutik pisassiissutit pigisat annertussusissaannut malittarisassanik aalajangersaaneq.

§ 30. Pisassiissutinit pigisat nioqputigineqarsinnaapput aamma tamakkiisumik ilaannakuusumilluunniit pigisassanngorlugit qularnaveeqqutissanngorlugilluunniit tunniunneqarsinnaapput.

Imm. 2. Imm. 1 naapertorlugu pigisassanngorlugit tunniussineq kingornussinertut aamma paasineqassaaq.

Imm. 3. Pisassiissutinit pigisanik tunniussineq Naalakkersuisunit akuerineqassaaq.

Imm. 4. Pisassiissutinit pigisanik tamarmiusunik pigisaqarunnaarnermi aalisarnermik ingerlatsisup piffissami ukiut tallimat tikillugit inuussutissarsiuugalugu aalisaqqilinnginnisaa pillugu Naalakkersuisut malittarisassiorsinnaapput.

§ 31. Aalisarnermik ingerlataqartut arlaannaalluunniit toqqaannartumik toqqaannanngitsumilluunniit pigisaqarneq aqutugalugu pisassiissutinit pigisanik uku qaangerlugit pigisaqarsinnaanngilaq:

- 1) avataasiorluni raajarniarnermi 33,3 procentit,
- 2) sinerissap qanittuani raajarniarnermi 15 procentit, imaluunniit
- 3) sinerissap qanittuani qaleralinniarnermi 5 procentit.

Imm. 2. Aalisarnermik ingerlataqartut imm. 1-imi piumasagaatit naammassineqarsimanerat qaqugukkulluunniit uppersarsinnaassavaat.

Imm. 3. Naalakkersuisut ingerlataqartunut ataasiakkaanut tunngatillugu § 31, imm. 1-imit sanioqutitsisinnaapput, ingerlataqartut taakku aalajangerakkamit nalinginnaanngitsumik sakkortuumik eqqugaasussanngortut paasineqarpat.

§ 32. Aalisarnermik ingerlataqartut inatsisip atuutilersinneqarneranit ukiut qulit iluini § 31-mi aalajangersakkanik malitsilernissamut pisussaaffilerneqarput.

Imm. 2. Aalisarnermik ingerlataqartut aatsaat § 30, imm. 1-imi killissarititaasunik naammassinnikkunik pisassiissutinit pigisassanik toqqaannartumik toqqaannanngitsumilluunniit pissarsisinnaapput.

Pisassiissutininik nammineq pigisanik niuerutigineqarsinnaasunillu utertitseqqusineq tuniniaanerlu

§ 33. Pisassiissutinit pigisat pissarsiarineqarnermik imaluunniit akuersissummut atajunnaarnermik kingorna qaammatit 18-it qaangiutsinnagit angallammut ataatsimut arlalinnulluunniit atassuteqartinneqaqqilersimassapput angallatinik taakkuninnga piginnittunut akuersissummik tunniussinikkut.

Imm. 2. Imm. 1 naammassineqarsinnaanngippat pisassiissutininik piginnittoq pisassiissutinit pigisaminik tunisinissamut pisussaataavaoq. Tunisineq qaammatit 18-it taakku iluani pisimassaaq, tak. imm. 1.

Imm. 3. Pisassiissutininik piginnittoq imm. 2 naapertorlugu pisussaaffimminik naammassinninngippat Naalakkersuisut piginnittoq sinnerlugu tunisinisaaq siunertaralugu pisassiissutinit pigisanik utertitsissapput.

Imm. 4. Naalakkersuisut aalisariutip umiunerani imaluunniit pissutsit immikkorluinnaq ittut atuunnerini immikkoortoq 1-ip piffissami aalajangersimasumi saneqqunneqarnisaa nalunaarutigisinnaavaat.

§ 34. Aalisarnermik ingerlataqartut nutaat pisassiissutinit pisassanik pissarsisinnaapput pisassiissutinit pigisassat qaammatit 48-t iluini angallammut ataatsimut arlalinnulluunniit atassuteqartinngikkaluarlugit, taakku:

- 1) siusinnerusukkut toqqaannartumik toqqaannangitsumilluunniit pisassiissutinit pigisassanik peqarsimangippata,
- 2) pisassiissutinit pisassanut siusinnerusukkut aalajangiisuusumik sunniuteqarsimangippata,
- 3) piffissami pineqartumi avataasiorluni aalisarnermi 5 procentit sinnerlugit pisassiissutinit pigisanik pissarsisimangikkunik, imaluunniit
- 4) piffissami pineqartumi sinerissap qanittuani aalisarnermi 5 procentit sinnerlugit pisassiissutinit pigisanik pissarsisimangikkunik.

Imm. 2. Piginnittup pisassiissutinit pigisani tamaasa imaluunniit ilaannai piffissami pineqartumi angallatip pisassiissutinit pigisanut atatinneqalernissaata tungaanut tunisinnaavai.

Imm. 3. Pisassiissutinit pigisanik piginnittoq imm. 1 naammassisinnaanngikkuniuk pisassiissutinit pigisaminik tuniniaanissamut pisussaavoq.

Imm. 4. Pisassiissutinit pigisanik piginnittoq imm. 3 naapertorlugu pisussaaffimminik naammassinngippat Naalakkersuisut piginnittoq sinnerlugu tunisaqarnissaq siunertaralugu piffissaagallartillugu kalerreereernermikkut pisassiissutinit pigisanik utertitsissapput.

*Pisassiissutinit nammineq pigisaqarnermi niuerutigineqarsinnaasunillu pigisaqarnermi
pisassiissutinit pigisat annertussusaannik tuniniaasinnaaneq*

§ 35. Pisassiissutinit pigisanik tunniussineq inertequtaavoq.

Imm. 2. Pisassiissutinit pigisanik piginnittup, immikkoortoq 1-imi aalajangersagaq apequtaatinnagu, pisassiissutinit pigisassat tamakkerlugit ilaaluunniit tunisinnaavai tunniussinnaallugilluunniit, piginnittup pisassiissutinit pigisat uku pissutigalugit tamakkerlugit aalisarsinnaanngikkunigit:

- 1) umiarsuup aseruanera siviruserumilluunniit amutsivimmiinneq, imaluunniit
- 2) nalinginnaasuunngitsumik naatsorsuutiginnngisamillu akornutit,

Imm. 3. Immikkoortoq 2 naapertorlugu pisassiissutinit pigisanik tunniussineq pisassiissutinit pigisanik attartortitsinerussanngilaq.

Imm. 4. Pisassiissutinit pigisanik tunniussineq Naalakkersuisunit akuerineqassaaq.

Kapitali 7

Kalaallit Nunaata aalisarnikkut oqartussaaffigisaata avataani aalisarneq

§ 36. Kalaallit Nunaata nunat tamalaat akornanni isumaqatigiissutit aalajangersakkallu naapertorlugit aalisakkanik aalisarsinnaasai pillugit aamma Kalaallit Nunaata alisarnikkut oqartussaaffigisaata avataani kalaallit aalisarnissaannut Naalakkersuisut sukumiinerusunik malittarisassiorsinnaapput.

Imm. 2. Kalaallit Nunaata aalisarnikkut oqartussaaffigisaata avataani inuussutissarsiuutigalugu aalisarneq taamaallaat angallatinit § 6 aamma § 10 naapertorlugu

ingerlanneqarsinnaavoq aamma aalisarsinnaanermut akuersissummik Naalakkersuisunit pissarsisoqarsimatinnagu aalisarneq aallartinneqassanngilaq.

Kapitali 8

Angallatini inuttat

§ 37. Inuttanut piunasaqaatit pillugit aamma inuttat qanoq katitigaaneri pillugit Naalakkersuisut sukumiinerusumik malittarisassiorsinnaapput.

Kapitali 9

Usinik nuussineq, pisanik tunisineq suliareqqiinerlu

Usinik nuussineq

§ 38. Kalaallit nunallu allamiut aalisariutaannit usinik nuussinerit imaluunniit tulaassinerit tamarmik taamaallaat Naalakkersuisut akuersissuteqarnerisigut pisinnaapput.

Imm. 2. Naalakkersuisut Kalaallit Nunaata aalisarnikkut oqartussaaffigisaani tulaassinissaq usinillu nuussisarneq kiisalu Kalaallit Nunaata aalisarnikkut oqartussaaffigisaata avataani kalaallit aalisariutaasa tulaassisarnerat usinillu nuussisarnerat pillugit malittarisassaliorsinnaapput.

Pisanik tunisineq

§ 39. Tunitsiviit tunisassiorfiillu nutaat Naalakkersuisut akuersissuteqartinnagit pilersinneqassanngillat. Tamanna aamma atuuppoq suliffissuit pioreersut aalisakkanik allanik tunitsiviunissaat tunisassiorsinnaalernissaalluunniit kissaatigineqarpat.

Imm. 2. Imm. 1 naapertorlugu akuersissuteqarnermi suliamut attuumassuteqartut tusarniaaffigineqassapput.

Imm. 3. Naalakkersuisut tunitsivinnik tunisassiorfinnillu nutaanik pilersitsinissaq, suliffissuarnik pioreersunik allanngortitsinissat aamma umiarsuarnik tunitsiviliinissat pillugit sukumiinerusumik malittarisassaliorsinnaapput.

Suliareqqiisarneq

§ 40. Kalaallit aalisariutaanni taamaallaat suliareqqiisoqarsinnaavoq Naalakkersuisut tamatumunnga akuersillutik nalunaaruteqarsimappata.

Kapitali 10

Eqqissimatitsineq, piujuartitsinissaq siunertaralugu teknikkikkut iliuutsit il.il.

§ 41. Naalakkersuisut pisuussutit illersorneqarnissaat pillugu malittarisassanik aalajangersaasinnaapput, ilaatigut makku pillugit malittarisassanik:

- 1) piffissat eqqissimatitsiviusussat aamma sumiiffiit aalisarfigeqqusaanngitsut,
- 2) angallatinik, aalisarnermi atortunik taakkulu atortuinik aaqquissuussineq atuinerlu,
- 3) aalisarnermi ileqqorissaarnissamut malittarisassat,
- 4) aalisakkat assigiinngitsut minnerpaaffissaat,
- 5) nigartat angissusissaat taakkulu uuttortarneqarnissaat, kiisalu,
- 6) aalisakkanik allanik aalisarnermi aalisakkanik aalajangersimasumik annertunerpaamik saniatigut pisarineqarsinnaasut.

Imm. 2. Taamaattorli Naalakkersuisut piginnaatitsineratigut malittarisassat imm. 1, nr. 1-3-mi taaneqartut kommunimut ataatsimut kommunalbestyrelsimit pineqartumit suliarineqarsinnaapput.

Kapitali 11

Aalisarnermi uumassusilinnik misissuinerit misileraallunilu inuussutissarsiutigalugu aalisarnerit.

Aalisarnermi uumassusilinnik misissuinerit ilinniagaqarnermullu atatillugu aalisarnerit

§ 42. Aalisarnermi uumassusilinnik misissuinissani Naalakkersuisut akuersissuteqarnissaat piumasaqaataavoq, taamaattoq tak. imm. 3.

Imm. 2. Naalakkersuisunit Nunatsinni Pinngortitaleriffimmit akuersissummik pissarsiniassapput aalisarnermi uumassusilinnik misissuinissamut akuersissummik tunniussisoqarnissaanut nalilersuinissamut atungassamik, taamaattoq tak. imm. 1.

Imm. 3. Nunatsinni Pinngortitaleriffik aamma Nationalt Center for Miljø og Energi Naalakkersuisunit akuersissummik pissarsinatik aalisarnermi uumassusilinnik misissuisinnaapput.

Imm. 4. Ilinniartitsinissaq siunertaralugu aalisarneq aalisarnermut killilersuutaasut atuuttut apeqquataatinnagit Naalakkersuisut akuersissuteqarneratigut ingerlanneqarsinnaavoq.

Imm. 5. Naalakkersuisut imm. 1 aamma 3 malillugit akuersissutini piumasaqaatinik sukumiinerusunik aalajangersaasinnaapput.

Imm. 6. Naalakkersuisut aalisarnermi uumassusilinnik misissuinissamut akuersissuteqartarnermut sukumiinerusunik malittarisassiorsinnaapput, tassunga ilanngullugu ilinniagaqarnermut atatillugu aalisarnerit pillugit.

Inuussutissarsiutigalugu misileraalluni aalisarneq

§ 43. Inuussutissarsiutigalugu misileraalluni aalisarnissamut Naalakkersuisunit akuersissuteqarnissaat piumasaqaataavoq.

Imm. 2. Ukiup tullissaani aalisarnermi inuussutissarsiutigalugu misileraalluni aalisarnissamut qinnuteqaatit ulloq 1. november nallertinnagu Naalakkersuisut tigareersimassavaat.

Imm. 3. Inuussutissarsiutigalugu misileraalluni aalisarneq aalisarnernut ukunangga killilerneqarpoq:

- 1) sumiiffinni nutaani aalisagaqatigiit nutaat,

- 2) sumiiffinni ilisimaneqareersuni aalisagaqatigiit nutaat,
- 3) sumiiffinni nutaani aalisagaqatigiit ilisimaneqareersut, imaluunniit
- 4) sumiiffinni ilisimaneqareersuni aalisagaqatigiit ilisimaneqareersut.

Imm. 4. Misileraalluni aalisarnissamut, pisat annertussusissaannut kiisalu misileraalluni aalisarnerup ingerlanneqarnissaanut siammarnissaanullu Naalackersuisut Pinngortitaleriffik suleqatigalugu piumasaqaatinik aalajangersaasinnaapput, taakkununnga ilanngullugu aalisakkanik sunik, piffissami sorlermi, sumiiffinni sorlerni aamma atortut suut atorlugit inuussutissarsiutigalugu misileraalluni aalisartoqassanersoq.

§ 44. Inuussutissarsiutigalugu misileraalluni aalisartitsisarnermi siunertarineqarpoq aalisakkanik isumalluutinik misissuinissaq, taamaalilluni pisuussutinik annertunerpaamik atuisoqarsinnaassalluni.

Imm. 2. Imm. 1 malillugu siunertaq anguneqarpat inuussutissarsiutigalugu misileraalluni aalisarneq nalinginnaasumik aalisarnermut nuutsinneqarsinnaavoq.

Imm. 3. Misileraalluni aalisarneq qaqugukkut nalinginnaasumik aalisarnermut nuutsinneqassanersoq Naalackersuisut nalilersussavaat.

Imm. 4. Naalackersuisut inuussutissarsiutigalugu misileraalluni aalisarnissamut akuersissuteqartarnek pillugu sukumiinerusunik malittarisassiorsinnaapput kiisalu imm. 1 naapertorlugu siunertamik naammassinninnissaq pillugu sukumiinerusunik malittarisassiorsinnaallutik.

§ 45. Inuussutissarsiutigalugu misileraalluni aalisarneq nalinginnaasumik aalisarnermut nuutsinneqarpat aalisarnermik ingerlataqartut inuussutissarsiutigalugu misileraalluni aalisarnermi aalajangersimasumi peqataasimasut tassani kimiliillutik aalisarsinnaanermut akuersissuteqarsinnaatitaapput.

Imm. 2. Imm. 1 malillugu kisermaassisussaatitaaneq inuussutissarsiutigalugu misileraalluni aalisarnerup nalinginnaasumik aalisarnermut nuutsinneqarnerata kingorna ukiuni pingasuni atuutissaq.

Imm. 3. Naalackersuisut misileraalluni aalisarnermut ataasiakkaanut tunngatillugu imm. 1-imi kisermaassisussaatitaaneq ukiut pingasut inorlugit atuutissanersoq aalajangersinnaavaat.

Imm. 4. Naalackersuisut imm. 1 malillugu aalisarsinnaanermut akuersissummik pisinnaatitaaffeqarnerup tunineqarsinnaanera aamma allamat tunniunneqarsinnaanera pillugu sukumiinerusunik malittarisassiorsinnaapput, tassunga ilanngullugu nuussinernut taakkununnga atatillugu akiliutissaq Nunatta Karsianut akiliutigineqartussa q aalajangersarsinnaavaat.

§ 46. Aalisartup inuussutissarsiutigalugu misileraalluni aalisarnissamut akuerineqarsimasup pisussaaffigai:

- 1) Misileraalluni aalisarnissaq Naalackersuisunit akuerineqartussa pillugu pilersaarumminik saqqummiussinissaq.

2) Misileraalluni aalisarneq pillugu Naalakkersuisunut Pinngortitaleriffimmullu nalunaarusiornissaq, tassunga ilanngullugit Naalakkersuisut Pinngortitaleriffiullu qinnutigisaannik misiliutinik tigusinissaq paasissutissanillu katersinissaq.

Imm. 2. Imm. 1 naapertorlugu pisussaaffiit naammassineqanngippata inuussutissarsiutigalugu misileraalluni aalisarnissamut akuersissut utertinneqassaaq aamma kisermaassilluni akuersissut § 45, imm. 1-ilu naapertorlugu annaaneqassalluni.

Imm. 3. Imm. 2 malillugu akuersissummik utertitsisoqarpat ullup utertitsiviusup kingorna qaammatit 24-t qaangiunneranni akuersissummik nutaamik aatsaat qinnuteqaqqittoqarsinnaavoq.

Nakkutilliilluni aalisarneq

§ 47. Imatut pisoqarpat nakkutiginninnermi aalisarsinnaanermut akuersissummik killilimmik tunniussisoqarsinnaavoq

1) atortut nutaat atorlugit aalisartoqarniartillugu, imaluunniit
2) siusinnerusukkut atortorisat atorlugit aalisartoqarniartillugu, aalisarfimmili pineqartumi aalisakkat ikilerujussuarsimallutik taamalu niuerutissanik aalisartoqarsinnaajunnaarsimatillugu aamma nakkutilliilluni aalisarnerup siunertarippagu aalisakkat amerliartoqqinnerannik nakkutiginninnissaq.

Imm. 2. Nakkutiginnilluni aalisarnissamut akuersissuteqarnermi piumasaqaatit inuussutissarsiutigalugu misileraalluni aalisarnissamut § 43, imm. 2 aamma 4, § 44, imm. 1-3 aamma § 46-imi taaneqartut piumasaqaatit assigai.

Imm. 3. Naalakkersuisut nakkutilliilluni aalisarnissamut sukumiinerusunik malittarisassiorsinnaapput, tassunga ilanngullugit imm. 1 malillugu nakkutiginninnermi aalisarnermut akuersissutit pillugit piumasaqaatit pillugit.

Kapitali 12

Naalakkersuisut paasissutissanik pissarsinissaat

§ 48. Naalakkersuisut Inatsisartut inatsisaannik uuminnga allaffissornikkut nakkutigineranut atugassanik malittarisassiorsinnaapput, tamassuma kingorna Kalaallit Nunaanni angallammik tunisassiorfimmilluunniit piginnittut atuisulluunniit angallat, atortut atortullu allat, aalisarneq, pisat, allamut nuussinerit, angallammi nammineq tunisassiorneq, tulaassat kaaviiartitallu pillugit paasissutissiinissamik peqquneqarsinnaallutik.

Imm. 2. Paasissutissiisussaaitaanermi teknikkimut, aningaasaqarnermut ingerlatsinermullu tunngasut tamarmik atuupput.

Imm. 3. Naalakkersuisut imm. 1 malillugu naatsorsueqqissaarinermi paasissutissat kiisalu Inatsisartut inatsisaat taannaluunniit naapertorlugu malittarisassat aalajangersarneqartut naapertorlugit akuersissutit tunniunneqartut pillugit naatsorsueqqissaarinermi paasissutissat avammut saqqummiussinnaavaat.

Kapitali 13

Aalisarneq Pillugu Siunnersuisoqatigiit

§ 49. Naalakkersuisut Aalisarneq Pillugu Siunnersuisoqatigiit pilersissavaat, taakku suliassaraat imm. 2 naapertorlugu Naalakkersuisut qinnuiginninnerisigut Naalakkersuisunut oqaaseqaateqarnissaq.

Imm. 2. Naalakkersuisut Aalisarneq pillugu Siunnersuisoqatigiit uku pillugit oqaaseqaateqarnissaannik qinnuigisinnaavaat:

- 1) inuussutissarsiutigalugu aalisarnerup ingerlanneqarnissaa malittarisassiuuffigineqarnissaalu pillugit pilersaaruserneq suliaqarnerlu,
- 2) pisaqarsinnaassutsip, pisassiissutit, aalisarnermi atortunik atuinnissap, umiarsuarnik tunitsivilinissat kiisalu pisanik kaaviiartinneqarnissap aalajangersarneqarnerat, aamma
- 3) aalisarnerup inuussutissarsiutitit nungusaataannigsumik ineriartortinneqarnera siuarsarniarlugu suliniutit.

Imm. 3. Naalakkersuisut suliat kinguartinneqarsinnaanngitsut pillugit Aalisarneq pillugu Siunnersuisoqatigiinni ilaasortat tamakkerlugit allakkatigut tusarniaaffigisassavaat.

Imm. 4. Aalisarneq pillugu Siunnersuisoqatigiit arfinilinnik ilaasortaataqarput, taakkununga ilanngullugit inatsisileritooq ataaseq, aningaasaqarnermik ilisimasalik ataaseq, uumassusileritooq ataaseq kiisalu aalisarnermi soqutigisaqatigiit akornanni ilaasortassatut toqqaarneqarsimasut pingasut. Ilaasortat tamarmik Kalaallit Nunaanni inuussutissarsiutigalugu aalisarnermik immikkut ilisimasaqassapput.

Imm. 5. Naalakkersuisut Aalisarneq pillugu Siunnersuisoqatigiit ukiuni sisamani atuuttussat pilersissavaat, siullermik Inatsisartut inatsisaata matuma atuutilersinneraniit. Qinigaaffiup ingerlanerani ilaasortaqaq ataaseq tunuarpat qinigaaffiup atuuffissaata sinneranut ilaasortassamik Naalakkersuisut toqqaassapput.

Imm. 6. Naalakkersuisut Aalisarneq Pillugu Siunnersuisoqatigiit siulitaassussaannik toqqaassapput, suleriaasissamik suliaqassapput allattoqarfimmillu isumaginnissallutik kiisalu Aalisarneq pillugu Siunnersuisoqatigiit ataatsimiinnerinut atatillugu aningaasartuutit akilissallugit.

Kapitali 14

Nakkutilliineq

§ 50. Inatsisartut inatsisaanni uani aalajangersakkanik inatsillu naapertorlugu malittarisassamik malinnittoqarneranik nakkutilliineq pillugu Naalakkersuisut sukumiinerisunik malittarisassiortoqarsinnaapput.

Imm. 2. Nunat tamat isumaqatigiissutaat naapertorlugit Kalaallit Nunaata nakkutilliinissamut pisussaaffimminik naammassinninnissaa siunertaralugu Naalakkersuisut aalisarnermik nakkutilliineq pillugu sukumiinerisunik malittarisassiorsinnaapput.

Imm. 3. Pisat Inatsisartut inatsisaannut uunga akerliusumik pisarineqarsimasut allanut tunniunneqarnissaat, pisarineqarnissaat tuniniarneqarnissaallu pinngitsoortinniarlugu Naalakkersuisut makku pillugit malittarisassiorsinnaapput,

- 1) pisanik pissarsisimaneq pillugu paasissutissiinissamut pisussaaffeqarneq;
- 2) ingerlatalinnit aalisarsinnaatitaanngitsunit pisaannik tigusinissamut inerteqquteqarneq, kiisalu
- 3) pisinineqarsinnaasut pisarereernerisa kingorna pisanik tigusinissamut inerteqquteqarneq.

§ 51. Nakkutilliinermi Oqartussat aalisariutinut Kalaallit Nunaata aalisarnikkut oqartussaaffiani aalisartunut kiisalu kalaallit aalisariutaannut nunat tamat imartaanni aalisartunut ikisinnaatitaapput tassungalu atatillugu aalisarnermi atortunik pisanillu misissuisinnaallutik.

Imm. 2. Nakkutilliinermi Oqartussat aalisarnermik ingerlatsisup aalisarsinnaatitaanerminut uppernarsaammik atuuttumik takutitsinissaa piumasarisinnaavaat.

Imm. 3. Pisinnaatitaaffiit imm. 1-imi aamma 2-mi taaneqartut eqqartuussivik siumut aalajangiiseqqaarnagu pissusissamisoortumik kinaassutsimut uppernarsaammik takutitsinikkut ingerlanneqarsinnaapput.

Imm. 4. Nakkutilliinermut oqartussat pisinnaatitaaffii suliassaallu pillugit Naalakkersuisut sukumiinerusunik malittarisassiorsinnaapput.

§ 52. Nakkutilliinermi Oqartussat § 51, Imm. 1 naapertorlugu aalisariutit sulinerminnut atatillugu iliuseqarniarlutik unitsissinnaavaat ikiffigalugillu, tassunga ilanngullugu umiarsuit uppernarsaataat, aalisarnermi allattuiffiit, -usunik tunisassiornernullu nalunaarsuiffiit assigisaallu misissuiffiginiarlugit aamma aalisarnermi atortut pisallu misissuiffigisinnaallugit aammalu aalisarnermi atortut suliamut atatillugu misissugassatut qaqeqqusinnaallugit. Aammattaaq angallatit taamaattut pisanik misissuinissaq usingiaanissarluunniit siunertaralugit Kalaallit Nunaanni umiarsualivimmut toqqakkamut ingerlaqquneqarsinnaapput.

Imm. 2. Pisinnaatitaaffiit imm. 1-imi taaneqartut eqqartuussivik siumut aalajangiiseqqaarnagu pissusissamisoortumik kinaassutsimut uppernarsaammik takutitsinikkut ingerlanneqarsinnaapput.

§ 53. Kalaallit nunallu allamiut angallataat, kalaallit nunanani akuersissuteqarlutik aalisartut angallatip aalisarnermut attuumassuteqartunik ingerlataanik nakkutilliinissaq siunertaralugu nakkutilliinermi oqartussat sinniisuinik angallammiittoqarnissaanik nakkutilliinermi oqartussat peqqusisinnaapput.

Imm. 2. Nakkutilliinermi Oqartussat aalisariutit Kalaallit Nunaanni tulaassisarnerat, Kalallit Nunaata aalisarnikkut oqartussaaffigisaani usunik nuussisarnerat kiisalu Kalallit Nunaata aalisarnikkut oqartussaaffigisaata avataani kalaallit aalisariutaasa usunik nuussisarnerat nakkutigissavaat.

Imm. 3. Imm. 1 naapertorlugu nakkutilliinermut atatillugu angalanermut, najugaqarnermut nerisaqarnermullu aningaasartuutit umiarsuaatileqatigiiffiit akilertassavaat. Naalakkersuisut umiarsuaatileqatigiiffiit nakkutilliinermi aningaasartuutininik annertunerusunik matussusiisarnissaat pillugu malittarisassiorsinnaapput, tassani aningaasartuutit nakkutilliinerullu siunertaa naapertuuttut nalilerneqarpata.

Imm. 4. Aalisariutini inuttat piumasaqarfigineqarnermikkut nakkutilliisut nakkutilliinerminnut atatillugu oqartussanut suliamut attuumassuteqartunut attaveqarnerannut atatillugu angallatip radiuanik, qarasaasiakkut attaveqaataanik nalunaarasuartaataanillu akiliuteqartinnagit atuisinnaatissavaat.

Imm. 5. Imm. 1 aamma 2 naapertorlugit Nakkutilliinermi Oqartussat pisinnaatitaaffii eqqartuussivik siumut aalajangiiseqqaarnagu pissusissamisoortumik kinaassutsimut uppersaammik takutitsinikkut ingerlanneqarsinnaapput.

Imm. 6. Naalackersuisut nakkutilliisut imm. 1 aamma 2 malilugit piginnaatitaaffii suliassaallu pillugit malittarisassaliorsinnaapput.

§ 54. Inatsisartut inatsisaat una tassanngaluunniit malittarisassat naapertorlugit nakkutilliinissaq siunertaralugu Nakkutilliinermi Oqartussat piumasarisinnaavaat aalisariut piffissap aalajangersimasup iluani sumiiffimmi aalajangersimasumiinnissaa. Piffissaq sumiissusissarlu sapinngisamik umiarsuup naalagaanut isumaqatigiissutigineqartassapput.

§ 55. Aalisariutip aalisarnissamut atortulersukkap Kalaallit Nunaata aalisarnikkut oqartussaaffigisaani aalisarsinnaatitaaffiginngisaminiikkuni aalisarnermut atortuni aalisariutip iluani toqqorsimatissavai.

§ 56. Nakkutilliinermut oqartussat nakkutilliinerup ingerlannissaanut pisariaqarpat uku pillugit nalunaaruteqarsinnaapput:

- 1) tulaassivissanut peqqusineq inerteqquteqarnerlu,
- 2) tulaassinissamut piffissanik peqqusineq inerteqquteqarnerlu, aamma
- 3) nakkutilliinermut oqartussat tulaassinermi usinillu nuussinermi najuunnissaannut peqqusineq.

§ 57. Angallatit naalagaat, suliffeqarfinnik piginnittut sulisullu Inatsisartut inatsisaata taannalu naapertorlugu malittarisassanik aalajangersorneqartut malinninnerannik nakkutilliinermut atatillugu nakkutilliisunit piumaffigineqarnermikkut paasissutissanik tamanik tunniussissapput, tassunga ilanngullugit aningaasaqarnikkut naatsorsuuserinikkullu pissutsit nakkutilliinerup naammassineqarnissaanut pingaaruteqartut kiisalu nakkutilliinermi, misissugassanik tigusinermi, assiliinermi aamma atortunik allaganngorlugit tunniussinermi aamma elektroniskinnorlugit nalunaarsukkat naqitanngortinneqarnerini nakkutilliinermut oqartussanut akeqanngitsumik ikiuutissallutik.

Imm. 2. Aalisarnermik ingerlatsisunik pisaminnik tunisaqartartunik nakkutilliinermut atatillugu nakkutilliinermi oqartussat kukkunersuisumik naalagaaffimmit akuerisaasumik nalunaarsukkamilluunniit atortunik misissorneqarsinnaasunik misissuisussamik toqqaasinnaapput. Misissuineq pisaminik tunisaqartumit akilerneqassaaq.

§ 58. Inatsisartut inatsisaat una imaluunniit Inatsisartut inatsisaat una naapertorlugu malittarisassat malinneqarnerisut pillugu misissuinissaq pisariaqarpat nakkutilliinermi

oqartussat kinaassutsiminnik uppersaammik pisariaqartumik takutitsillutik eqqartuussivillu siumut aalajangiiseqqaarnagu suliffeqarfinnut isersinnaatitaapput angallatinullu ikisinnaatitaallutik.

Imm. 2. Pigisat Inatsisartut inatsisaannik uuminnga taannalu naapertorlugu malittarisassanik aalajangersarneqartunik unioqutitsinermut atorineqartut aalajangersimasumik pasitsaassisoqarpat nakkutilliinermut oqartussat inuit illuutaannut qaqugukkulluunniit isersinnaapput.

Kapitali 15

Pineqaatissiissutit

§ 59. Akiliisitaanermik pineqaatissinneqassaaq

1) inatsimmi § 6, imm. 1-4, § 10, § 11, § 14, § 28, imm. 1, § 32, § 36, imm. 2, § 38, imm. 1, § 39, imm. 1, § 40, § 43 imm 1, aamma § 55,

2) § 51, imm. 1-2, § 52, imm. 1, § 53 imm. 1 aamma imm. 4, § 54, § 56 aamma § 57, imm. 1,-imi peqqussutinik malinninngitsoq,

3) Inatsisartut inatsisaannik uuminnga tassanngaluunniit malittarisassat aalajangersarneqartut naapertorlugit akuersissummi imaluunniit aalisarsinnaanermut akuersissummi piunasaqaatinik sumiginnaasoq, imaluunniit

4) pisortani oqartussanut eqqunngitsunik salloqittaalluniluunniit paasissutissiisoq imaluunniit inatsimmi inatsilluunniit naapertorlugu malittarisassat aalajangersarneqartut naapertorlugit peqqussutigineqartunik paasissutissiinngitsoq.

Imm. 2. Inatsisartut inatsisaat una naapertorlugu malittarisassani aalajangersarneqartuni aalajangersarneqarsinnaavoq aalajangersakkanik unioqutitsineq akiliisitsinikkut pineqaatissiinermik kinguneqarsinnaasoq.

Imm. 3. Inatsisartut inatsisaat imaluunniit peqqussutit Inatsisartut inatsisaat malillugu aalajangersarneqartut akileeqqusissummik aalajangersaanissamik tunngavissaqartitsippata, akileeqqusissut Kalaallit Nunaanni Pinerluttulerinermut inatsimmi malittarisassat malillugit inatsisitigut pisussaataasoq akileeqqusissummik pisussaaffilerneqarsinnaavoq.

Imm. 4. Angallat atorlugu unioqutitsinerni angallatip piginnittua atuisualuunniit akiliisussanngortinneqarsinnaavoq, pineqartoq piarinani mianersugaalliorluniluunniit Inatsisartut inatsisaannik uuminnga tassanngaluunniit malittarisassanik nioqutitsigaluarpat.

§ 60. Missingiisoqarpat unioqutitsisoqarnerani akiliisitsinermi annertunerusumik pineqaatissiinermik kinguneqassanngitsoq, unioqutitsisoq unioqutitsinermi pisuusutut nalunaaruteqarpat aammalu piffissap aalajangersimasup, qinnuteqarnikkut sivitsorneqarsinnaasup, iluani akiliutissatut nalunaarummi allassimasoq akilerniarlugu nalunaaruteqarpat, Naalakkersuisut nalunaaruteqarsinnaapput suliaq eqqartuussivimmut suliassanngortinnagu aalajangerneqarsinnaasoq. Taamatuttaaq arsaarinnittoqarnissaanik piunasaqaateqarneq, tassunga ilanngullugu pigisanik nalilinnik arsaarinnissinnaaneq eqqartuussivikkoortitsinngikkaluarluni aalajangiiffigineqarsinnaapput.

§ 61. Suliani allaffissornikkut suliarineqartuni, tak. § 60, imm. 1, Kalaallit Nunaanni eqqartuussisarneq pillugu inatsimmi § 347, imm. 1 assinganik atuutissaaq.

§ 62. Kalaallit Nunaanni pinerluttulerineq pillugu inatsimmi arsaarinnittarneq pillugu malittarisassat Inatsisartut inatsisaanni uani aamma atorneqassapput.

Imm. 2. Kisiannili unioqqutitsilluni angallat atorlugu aalisarnermi aalisarnermi atortut atorneqartut, angallatip pisai taakkualuunniit nalingi tamaasa arsaarinnissutaasinnaapput, tassani pineqaratik pisat unioqqutitsinani ingerlatsinermeersutut uppernarsarneqartut.

Imm. 3. Taamatuttaaq pisat pillugit annertuumik arlaleriarluniluunniit paasissutissiisoqarnerani amigartumilluunniit paasissutissiisoqarnerani angallammik taassumaluunniit nalinganik arsaarinnittoqarsinnaavoq.

Imm. 4. Malittarisassani Inatsisartut inatsisaat una naapertorlugu aalajangersarneqartuni aalajangersarneqarsinnaavoq, tassani aalajangersakkanik unioqqutitsineq arsaarinninnermik kinguneqarsinnaasoq, kisiannili killiliinerit Pinerluttulerineq pillugu Inatsimmi § 166 naapertorlugu aalajangersarneqartut atorlugit.

§ 63. Pisat imaluunniit pisat nalingi imaluunniit taakku ilaat arsaarinnissutigineqarpata arsaarinninnermut atatillugu angallat peqquneqarsinnaavoq pisat taakkunatut annertussusillit pisanit allanit immikkoorteqqullugit aamma nakkutilliisut taakkunannga nalunaaqutsiinissaat akuerissagaa. Taamaaliornikkut pisat nalingi arsaarinnissutigineqarsimasut pisallu allat akuleruttoornissaat pinngitsoortinneqarsinnaangippat angallat peqquneqarsinnaavoq pisat nalingi arsaarinnissutigineqarsimasut tulaateqqullugit.

Imm. 2. Immikkoortitsineq nalunaaqutsiinerlu angallat Kalaallit Nunaata aalisarnikkut oqartussaaffianiitillugu pisanik useqartillugu ingerlanneqassapput.

§ 64. Isumaqarnissaq tunngavissaqarpata angallat Inatsisartut inatsisaannik taannaluunniit naapertorlugu malitassatut aalajangersarneqartunik akiliisitsinermik arsaarinninnermilluunniit kinguneqarsinnaasunik unioqqutitsinermi atorneqarsimasoq, angallat nakkutilliinnermut oqartussanit tigummigallarneqarsinnaavoq.

Imm. 2. Kisiannili taamaallaat isumaqarnissaq pissutissaqarpata nunat allamiut angallataat Kalaallit Nunaata aalisarnikkut oqartussaaffiata iluani unioqqutitsisimasoq aammalu angallat aalisarnikkut oqartussaaffiup iluaniitillugu malersorneqarsimappat uniganilu ingerlaannarsimappat Kalaallit Nunaata aalisarnikkut oqartussaaffiata avataani unitsinneqarsinnaavoq.

§ 65. Angallat § 63 malillugu tigummigallarneqartoq eqqartuussisoqareerneratigut akiligassiinissamillu aalajangiisoqareerneratigut akiligassiisutip arsaarinnissutillu aningaasartaat suliamilu -aningaasartuutit akiitsorineqartut akilerneqarnissaasa imaluunniit akiliutissanut qularnaveeqquseereertoqarnissaata tungaanut aammalu § 62 malillugu iliuusissat naammassineqarnissaasa tungaanut tigummigallarneqarsinnaavoq. Suliassap inaarutaasumik aalajangiivigineqarnerata kingorna qaammatit marluk qaangiutsinnagit tamanna pinngippat angallat atortullu naammassinnissutiginiarneqarsinnaapput.

Imm. 2. Angallammik atuisimasoq pisinnaatitaanani taassuminnga atuisimappat imm. 1-imi malittarisassat atuutissanngillat.

Imm. 3. Tigummigallagaasoqarnera pillugu maalaaruteqartoqarpat Kalaallit Nunaanni eqqartuussisarneq pillugu inatsimmi kapitali § 35 taamatuttaaq atuutissaaq, imatulli apeqqut Kalaallit Nunaanni Eqqartuussivimmut suliassanngortinneqarluni.

§ 66. Akiliisitsinerit Inatsisartut inatsisaat una taannaluunniit naapertorlugu malittarisassat aalajangersarneqartut naapertorlugit aalajangerneqartut Nunap Karsiata pisassarissavai.

Kapitali 16

Atuutilersitsineq -ikaarsaariarnerlu pillugit aalajangersakkat

§ 67. Inatsisartut inatsisaat manna 1. januar 2019-imi atuutilersinneqarpoq.

Imm. 2. Tassunga peqatigitillugu Aalisarneq pillugu Inatsisartut inatsisaat nr. 18, 31. oktober 1996-imeersoq atorunnaarsinneqarpoq.

Imm. 3. Malittarisassat Inatsisartut inatsisaat nr. 18, 31. oktober 1996-imeersoq kingusinnerusukkut allannguuteqartoq naapertorlugu atuutilersinneqarnikut atorunnaarsinneqarnissamik tungaanut imaluunniit malittarisassanik nutaanik taarserneqarnissamik tungaanut atuutiinnassapput.

Imm. 4. § 26-mi agguaaneq 1. januar 2024-imi atuutilersinneqassaaq.

Namminersorlutik Oqartussat, ulloq xx.xx. 2018

Kim Kielsen